

泰和縣志卷四

吉安府泰和縣知縣潼關楊訥重輯



學校志

學校者禮義相先之地祭

先聖先賢於斯所以重道養老憲言於斯所以教讓賓賢  
與能於斯所以育才益必道德明而敬讓行然後為  
真人才有實用豈徒事文雅縱橫歟泰和儒林道學  
碩輔鼎元忠義之士甲於郡邑鄉先正典型足以啟  
來學而諭訓以下書院疊興長民者不以教化為迂

泰和縣志

卷四

學校

濶作而成之振而發之無待問魚垠龍洲之讖而知  
偉材奮興矣志學校

古者政治之盛衰視其學之興廢故化民成俗必由  
於學其造士選士之規條釋奠釋菜之儀制以及養  
老乞言受成獻馘諸大典罔不於學舉行典禮綦隆  
備矣後代名存實亡往往皮閣經史游談無根教不  
先而率不謹欲人材之及古人豈非南轅而北轍歟  
今編學校一志以備典物之遺意云冉志

泰和縣志卷四

學校志

欽頒卧碑文 順治九年

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非為者子既讀書明理當再三懇告使父母不陷於危亡  
一生員立志當學為忠臣清官書史所載忠清事蹟務

泰和縣志

卷四

學校 卧碑二

須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就為官必取禍患行害人之事者往往自殺其身常宜思省

一生員不可干求官長結交勢要希圖進身若果心善德全上天知之必加以福

一生員當愛身忍性凡有司官衙門不可輕入即有切己之事只許家人代告不許干與他人詞訟他人亦不許牽連生員作証

一為學當尊敬先生若講說皆須誠心聽受如有未明從容再問毋妄行辨難為師亦當盡心教訓勿致怠惰

一軍民一切利病不許書生上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

御製訓飭士子文

康熙四十一年

國家建立學校原以興行教化作育人材典至渥也朕臨位以來隆重師儒加意庠序近復慎簡學使釐剔弊端務令風教修明賢才蔚起庶幾棫樸作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學學術事

泰和縣志

卷四

學校 卧碑三

功原委有叙爾諸生幼聞庭訓長列宮牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化慙盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨弗齒縱倖脫褫扑濫竊章縫返之於衷寧無愧乎况乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利



年奉

覃恩加廣學額凡大學加五名時縣令新舊交代文移遲緩未與彙

題乾隆三年閩邑紳士呈請通詳蒙撫憲岳學使于會題部議未允又於六年復行呈請撫憲陳會稿具題仍于部駁惟逢

覃恩之年照大學例加額七名按泰邑應童子試者與廬陵吉水安福等縣埒而學額仍舊亦缺典也尚俟詳請並邀

恩例

書籍

泰和縣志

卷四

學解學額書籍

五

明洪武初頒降祝文及書籍有洪武禮制一部大誥一冊勸善書一部為善陰隲書一部五倫書一部性理大全三部周易傳義大全一部書經大全一部春秋集傳二部詩傳大全一部禮記集說大全二部四書大全二部又少叅鳳陽孫孺發贖金買玉海一部文獻通考一部貯閣今俱無存宏治志

國朝雍正三年奉部頒

聖廟禮樂圖籍九年

上命將

聖祖欽定周易折中一部

欽定書經傳說彙纂一部

欽定詩經傳說彙纂一部

欽定春秋傳說彙纂一部

欽定性理精義一部

欽定四書文一部

明史一部一百一十二本

御撰資治通鑑綱目全書二部

射圃附

明洪武六年知縣郝思讓拓地於學之左橫濶五丈直深二十五丈從百弓橫半之中立觀德亭以便習射事凡射之器械悉備焉射圃右為收貯文卷庫東為儒學倉

學田

泰和縣志

卷四

學校書籍學田六

元至正八年州人李以中作楫父子將祖業信實鄉田租一百零六石四斗七升送入州學添充膳學養士其田墩地名詳見碑陰具載宏治志進士戴邁有記然不可考矣明萬歷三年邑人經歷嚴子容捐田一頃六十畝計租二百石又里民陳朝用續置黃家堤田租三十八石歸儒學經收外又有知縣濮中玉捐項另詳公產內俱先儘納錢糧及解學院餘給課士助貧并各項花紅及修理書院之費